



სსიპ საჯარო რეესტრის ეროვნული სააგენტო

სატენდერო დოკუმენტაცია

სატელიტური სურათების გადაღების და მათი დამუშავების
მომსახურების (CPV – 71355100) შესყიდვა
ელექტრონული ტენდერის საშუალებით

2015 წელი
ქ.თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1 - საპროექტო ტერიტორია
5. დანართი №2 – მარკირების მაგალითი
6. დანართი №3 – ფასთა ცხრილის სავალდებულო ფორმა

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. სატენდერო წინადადების წარდგენისთვის უნდა იყოს დარეგისტრირებული სისტემაში მიმწოდებლის სტატუსით, შემდეგ ვალდებული ხარო გაეცნოთ აფიდავატს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.4. ამის შემდეგ მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.5. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.6. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7. მას შემდეგ რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.8. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.9. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით,

1.10. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.11. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.12. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.13. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.14. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი, დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.15. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით. კერძოდ, პირველ რაუნდში ბოლო შეთავაზებას აკეთებს ის პრეტენდენტი,

რომელმაც ძირითად დროში ყველაზე დაბალი ფასი დაფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.16. მას შემდეგ რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით, ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.17. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.18. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისთვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას სატენდერო წინადადების ფასზე.

1.19. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული) შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20. ყველაზე დაბალის ფასის მქონე პრეტენდენტის დისკვალიფიკაციის შემთხვევაში შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.21. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/ და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე.

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობათან დაკავშირებული ხარჯები.

1.22. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.23. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.24. სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.25. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.26. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.27. სატენდერო დოკუმენტაციასთან დაკავშირებული განმარტებების მიღება პრეტენდენტს

შეუძლია სახელმწიფო შესყიდვების ერთიან ელექტრონულ სისტემაში კითხვა/პასუხის რეჟიმის გამოყენებით.

1.28. შესყიდვის პროცედურების შესახებ ინფორმაციის გაცემაზე უფლებამოსილი პირია სასატენდერო კომისიის აპარატის წევრი – თენგიზ ჯუღელი; **ტელ: 2 910517 შიდა – 7058.**

2. ტექნიკური დოკუმენტაცია

2.1 შესყიდვის ობიექტი და მიზანი

შესყიდვის ობიექტს წარმოადგენს საქართველოს ტერიტორიაზე სატელიტური სტერეო სურათების გადაღებისა და მათი მეშვეობით ორთოფოტო გეგმების დამზადების მომსახურება. აღნიშნული მასალები გამოყენებული უნდა იქნას როგორც საბაზისო რუკები საპროექტო ტერიტორიებზე კადასტრისა და რეგისტრაციის მაღალი ხარისხის წარმოებისათვის. იგი, ასევე, გამოყენებული უნდა იქნას სივრცით ტერიტორიულ მოწყობასა და განვითარებასთან დაკავშირებულ პროექტებში როგორც საბაზო ინფორმაცია.

2.2. მომსახურების ტექნიკური დავალება

2.2.1 სატელიტური სურათების გადაღება:

2.2.1.1 სატელიტური სურათების გადაღების ტერიტორია

საპროექტო ტერიტორია განისაზღვრება სატენდერო დოკუმენტაციის დანართი №1-ით, რომელიც მოიცავს ხობის, წალენჯიხის და გალის მუნიციპალიტეტების ტერიტორიების ნაწილს, ფართობით – 1279კვ.კმ, და ქალაქ ზუგდიდის ტერიტორიას, ფართობით – 101კვ.კმ.

2.2.1.2 გადაღების კალენდარული პერიოდი

სატელიტური სურათების გადაღება უნდა განხორციელდეს 2015 წლის ივლისი-აგვისტოს თვეებში. (სატელიტური სურათების გადაღების პერიოდი დამოკიდებულია კლიმატურ პირობებზე, იმ შემთხვევაში თუ უამინდობის გამო ივლისი-აგვისტოს თვეებში გადაღების შედეგად ვერ იქნა მიღებული ხელშეკრულებით გათვალისწინებული შედეგი, გადაღება გაგრძელდება 2015 წლის 30 სექტემბრამდე)

2.2.1.3 სატელიტური სტერეო სურათების მახასიათებლები

• მაღალი რეზოლუციის სატელიტური გამოსახულება უნდა იყოს ფერადი, სტერეო (RGB, ბუნებრივი ფერები); საპროექტო არეალი ხობის, წალენჯიხის და გალის მუნიციპალიტეტების ტერიტორიების ნაწილში, ფართობით-1279კმ² უნდა დაიფაროს 50 სმ-იანი პიქსელის ზომის სურათებით, ხოლო საპროექტო არეალი ქალაქ ზუგდიდის ნაწილში, ფართობით – 101კვ.კმ უნდა დაიფაროს 30 სმ-იანი პიქსელის ზომის სატელიტური სურათებით.

- არხები: ლურჯი, მწვანე, წითელი,
- გამოსახულება უნდა იყოს გეომეტრიულად კორექტირებული UTM/WGS84 პროექციაში.
- პროექცია: UTM
- კოორდინატთა სისტემა WGS84
- ჰორიზონტალური ერთეული: მეტრი
- ფორმატი: GeoTIFF
- დამხმარე ფაილები: სტანდარტული, რომელიც გამოიყენება ორიენტირებისათვის ფოტოგრამეტრიული პროგრამული უზრუნველყოფა „ERDAS Imagine 10“-ის საშუალებით.
- მეტამონაცემები: მეტამონაცემები უნდა მოიცავდეს მოთხოვნის პარამეტრებს, წყაროს ანუ პირველად ფაილს, გამოსახულების აღწერილობას და გამოსახულების ფაილის აღწერას. მოთხოვნის პარამეტრები უნდა მოიცავდეს დაკვეთილ ფართობს, სპექტრალურ არხებს, კოორდინატთა სისტემას. წყაროს ანუ პირველადი გამოსახულების აღწერა უნდა მოიცავდეს შეგროვებულ მონაცემებს, მზის დახრის კუთხეს, ფართობის გეომეტრიას. გამოსახულების ფაილის აღწერა უნდა მოიცავდეს გეოკოდირებას. მეტამონაცემები არის მოცემული ASCII text file-ში.

- ბიტები/პიქსელები: გამოსახულება უნდა იყოს 8 ბიტი თითოეულ პიქსელში.

2.2.1.4 გადაღების დაფარვის სპეციფიკაცია

გადაღება უნდა მოხდეს მინიმალური ღრუბლიანობის (0%-4%) პირობებში. დასახლებულ პუნქტებში 0%, ხოლო დანარჩენ ტერიტორიაზე – არაუმეტეს 4%-სა. თოვლის საფარი დასახლებულ პუნქტებში უნდა იყოს 0%; თოვლის საფარი დასაშვებია მხოლოდ მთიან ადგილებში 2500 მ და მეტ სიმაღლეზე.

იმიჯები უნდა იყოს ჩრდილების, წყალდიდობის, ნისლის, მტვერის ან სხვა ეკოლოგიური ფაქტორის გარეშე, რამაც შეიძლება შეაფერხოს მიწის ზედაპირზე ინფორმაციის შეგროვება.

მიმწოდებელმა უნდა განსაზღვროს გადაღება საპროექტო ტერიტორიაზე სრული სტერეოსკოპული გამოსახულების მიღების უზრუნველსაყოფად.

2.2.1.5 ხელახალი გადაღებები

იმ შემთხვევაში, თუ რომელიმე გამოსახულება დაწუნებული იქნება ღრუბლიანობის, მკვეთრი ჩრდილების, არაადეკვატური გადაფარვის გამო, ისინი უნდა შეიცვალოს, რაც უზრუნველყოფს სრულ სტერეოსკოპულ გადაფარვას.

2.2.2 ციფრული ორთოფოტოგეგმის დამზადება

ციფრული ორთოფოტოგეგმების დამზადებისათვის საჭიროა ჩატარდეს შემდეგი სახის სამუშაოები:

2.2.2.1 სატელიტური სურათების შემდგომი დამუშავება

- სატელიტური სურათების დამუშავება უნდა განხორციელდეს სპეციალური პროგრამული უზრუნველყოფით.
- კოსმოსური სურათების გაორიენტირება უნდა განხორციელდეს სავსე საკონტროლო წერტილების გამოყენებით, რომლებიც წინასწარ არის შერჩეული და განსაზღვრულია მათი კოორდინატები. (საჭიროების შემთხვევაში მარკირებული წერტილების გამოყენებით) ამის შემდეგ მოხდება წერტილების გახშირება (პროგრამულად).

2.2.2.2 გეოდეზიური უზრუნველყოფა

- სავსე საკონტროლო წერტილების კოორდინატები უნდა იქნას განსაზღვრული ეროვნულ საკოორდინატო სისტემა GEO CORS-ის გამოყენებით RTK ან STATIC რეჟიმში 5 სმ-იანი სიზუსტით ყოველ 5-7 კმ-ში. სავსე წერტილების რაოდენობა უნდა იყოს არანაკლებ 30 წერტილისა (წერტილების განლაგება შეთანხმდეს დამკვეთთან). რეალური სიმაღლის (ბალტიის ზღვის სისტემაში) მისაღებად GCP სავსე საკონტროლო წერტილების განსაზღვრისას უნდა იქნას გამოყენებული ჩვენს მიერ მოწოდებული კვაზიგეოიდ Geoquasygeoid 2012.
- საკონტროლო წერტილები უნდა იქნას შერჩეული მიწის ზედაპირზე და მათი მდებარეობა მკაფიოდ უნდა იყოს გამოკვეთილი სურათზე იდენტიფიცირებისთვის. (სასურველია მყარი უცვლელი კონტურების კოორდინატების განსაზღვრა)
- სავსე საკონტროლო წერტილების იდენტიფიცირებისას სირთულეები რომ თავიდან იქნას აცილებული, გასათვალისწინებელია შემდეგი:

- ✓ მომზადდეს მდებარეობის სქემა (კროკი). მასზე აუცილებელია მიეთითოს უახლოესი დასახლებული პუნქტის სახელწოდება ან სხვა მნიშვნელოვანი ობიექტი ორიენტირებისთვის.
- ✓ გადაღებულ იქნას შერჩეული საკონტროლო წერტილის ერთი ან რამდენიმე ციფრული ფოტო.
- ✓ ორთოფოტოზე დასმული წერილი jpg ფორმატში.
- ✓ მონაცემებს აუცილებელია თან ერთვის მოკვლევის ინფორმაცია და სავსე მოწყობილობის სიზუსტე, რომელიც გამოყენებული იყო სავსე სამუშაოების ჩატარებისთვის.
- ✓ GCP სავსე საკონტროლო წერტილები სასურველია შერჩეულ იქნას ისე, რომ მათი გამოყენება შესაძლებელი იყოს მომავალშიც.
- ✓ მყარი კონტურების არარსებობის შემთხვევაში, მიმწოდებელმა უნდა გამოიყენოს მარკირების მეთოდი, რომელიც განხორციელდება სატელიტურ გადაღებამდე. მარკირების მაგალითი იხილეთ დანართ N2-ში.

შენიშვნა: აკრძალულია საკონტროლო წერტილებად განსაზღვროს მაღალი ობიექტები, ფერდობები, ჩრდილები, მოძრავი ობიექტები და სხვა არამყარი კონტურები.

2.2.2.3 ციფრულ-სასიმალო მოდელის შექმნა

- ორთოფოტოს გენერირებისათვის უნდა შეიქმნას ციფრულ-სიმალო მოდელი. ავტომატიური მეთოდით შეიქმნას DTM-ი, რეგულარული გრიდი 30-სმ-იანი პიქსელის ზომის იმიჯებისთვის 15X15, ხოლო 50 სმ-იანი პიქსელის ზომის იმიჯებისთვის 30X30 მეტრიანი ზოგით.
- DTM -ი უნდა წარმოადგენდეს მიწის ზედაპირის ზუსტ გამოსახულებას.
- შექმნილ DTM -ში უნდა იყოს შეტანილი კორექცია ხელით სტერეო მეთოდის გამოყენებით. მიწის ზედაპირის განსაზღვრის მაქსიმალური ცდომილება 30 სმ-იანი პიქსელის ზომის იმიჯებისთვის ღია ტერიტორიისთვის არ უნდა აღემატებოდეს 1 მეტრს, ხოლო მაღალი მცენარეული საფარით დაფარული ტერიტორიებისთვის 3 მეტრს, ხოლო 50 სმ-იანი პიქსელის ზომის იმიჯებისთვის ღია ტერიტორიისთვის არ უნდა აღემატებოდეს 2 მეტრს, ხოლო მაღალი მცენარეული საფარით დაფარული ტერიტორიებისთვის 6 მეტრს.
- კორექტირებული DTM-ის საფუძველზე შეიქმნას DEM-ი 5X5 მეტრიანი პიქსელ ზომით IMG ან TIF ფორმატში.
- სიმალო მოდელის DTM/DEM-ის ჩაბარებისას მიმწოდებელმა უნდა წარმოადგინოს ანგარიში.

2.2.2.4 ორთოფოტოგეგმის გენერირება

- მიმწოდებელმა უნდა მოახდინოს ორთორექტიფიკაცია
- ციფრული ორთოფოტოები უნდა მომზადდეს ტრიანგულაციის და ციფრულ-სასიმალო მოდელზე DTM /DEM დაყრდნობით.
- საბოლოო ორთოფოტო უნდა დამზადდეს მთლიანი საპროექტო ტერიტორიისთვის.
- ორთოფოტოს პიქსელის ზომა უნდა იყოს 30 სმ ზუგდიდის ტერიტორიაზე და 50 სმ დანარჩენ ტერიტორიაზე.
- საბოლოო ორთოფოტოებს უნდა ჩაუტარდეს ფერთა ბალანსი და შემოწმდეს რადიომეტრული და გეომეტრიული ხარისხი.
- შეიქმნას ერთიანი ორთოფოტო მოზაიკა ყველა იმიჯის გამოყენებით.
- შეიქმნას seam line -ები.
- არასწორი ან დეფექტიანი მოზაიკა უნდა გასწორდეს.
- ორთოფოტოს რექტიფიკაციის დროს ისეთ არეალებში, სადაც მკვეთრი სიმაღლის ცვლილება გამოიხატება უნდა ჩაერთოს გარდატეხის ხაზები.
- უნდა გამოირიცხოს ხილების გზებისა ან სხვა ვერტიკალურად დაყოფილი ობიექტების ჩაზნექვის ეფექტი ორთოზე.
- საბოლოო ორთოფოტოები უნდა დაიჭრას დამკვეთის მიერ მოწოდებული სტანდარტით 5X5 კმ-იანი გრიდით.

შექმნილი მასალა გადამოწმდეს საველე დეზიფირებით.

2.2.3 საბოლოო გადასაცემი პროდუქცია

კოსმოსური გამოსახულებების მიღების განხორციელების შედეგად შემსყიდველს უნდა გადაეცეს შემდეგი პროდუქცია:

- საველე საკონტროლო წერტილების (GPS) აღწერა და დეტალური ანგარიში;
- კოსმოსური გადაღების შედეგად მიღებული RGB იმიჯები TIFF ფორმატში განთავსებული HDD-ზე; (HDD შეძენა უზრუნველყოს მიმწოდებელმა);
- ტრიანგულაციის პროცესის დასრულების შემდგომი ანგარიში;
- ტრიანგულაციის პროცესის შედეგად შექმნილი მონაცემები BLK ფორმატში, Erdas Imagine 2011 LPS Project Manager პროგრამულ უზრუნველყოფასთან თავსებადი;
- ციფრულ-სიმალო მოდელი DEM-ი IMG ფორმატში;
- ციფრული ორთოფოტოების დაჭრილი გამოსახულებები 8 ბიტის არაკომპრესირებული TIFF ფორმატში TFW ფაილების თანხლებით HDD-ზე. (HDD-ის შეძენა უზრუნველყოს მიმწოდებელმა);
- ორთოფოტოების განლაგების ინდექსური რუკა.

შენიშვნა: აღნიშნული საბოლოო პროდუქცია შემსყიდველს უნდა გადაეცეს ციფრულ ფორმატში, რომელიც ჩაწერილი იქნება დამკვეთთან შეთანხმებულ ელექტრონული მატარებელზე.

2.2.4 მომსახურების განხორციელების პერიოდი

სატენდერო დოკუმენტაციის ტექნიკური დოკუმენტაციის 2.2.3 პუნქტით გათვალისწინებული საბოლოო პროდუქცია შემსყიდველს უნდა ჩაბარდეს 2015 წლის 30 ოქტომბრამდე.

2.2.5 საგარანტიო პერიოდი

საბოლოო პროდუქციის ჩაბარების შემდგომ, მიმწოდებელმა 1 წლის განმავლობაში უნდა უზრუნველყოს აღმოჩენილი უზუსტობების შესწორება. საგარანტიო პერიოდის ათვლა დაიწყება დამკვეთის მიერ საბოლოო პროდუქციის სრულად მიღების შემდეგ (მიღება–ჩაბარების აქტის გაფორმებიდან).

2.2.6 კოსმოსური გადაღების მონაცემების დაცვა

მომსახურების განხორციელების შედეგად, შემსყიდველისთვის მიწოდებული მონაცემები წარმოადგენს საჯარო რესტრის ეროვნული სააგენტოს საკუთრებას და მათი გამოყენება სხვა კერძო ან იურიდიული პირების მიერ დაუშვებელია.

2.3 ანგარიშსწორების პირობები

ანგარიშსწორება განხორციელდება ტექნიკური დოკუმენტაციის 2.2.3 პუნქტით გათვალისწინებული საბოლოო პროდუქციის შემსყიდველისთვის სრულად გადაცემის შემდეგ, მხარეთა მიერ გაფორმებული მიღება–ჩაბარების აქტის საფუძველზე, მიღება–ჩაბარების აქტის გაფორმებისა და საგადასახადო ანგარიშ-ფაქტურის წარმოდგენიდან 15 სამუშაო დღის განმავლობაში.

2.4 პრეტენდენტი კომპანიისადმი დაწესებული მოთხოვნები

2.4.1 პრეტენდენტს უნდა ჰქონდეს მინიმუმ 3 წლიანი გამოცდილება ფოტოგრაფიკული მომსახურების გაწევის სფეროში.

2.4.2 პრეტენდენტი ტენდერში მონაწილეობით ვალდებულია კისრულობს, მისი გამარჯვების შემთხვევაში, გაუწიოს შემსყიდველ ორგანიზაციას მომსახურება წინამდებარე სატენდერო დოკუმენტაციის ტექნიკური დავალებით გათვალისწინებული მოთხოვნების ზუსტი დაცვით და თანხმობას აცხადებს ანგარიშსწორების პირობებზე.

2.5. პრეტენდენტის მიერ ასატვირთი ტექნიკური დოკუმენტაცია

პრეტენდენტმა ერთიანი ელექტრონული სისტემით უნდა წარმოადგინოს შემდეგი დოკუმენტაცია:

2.5.1. ფოტოგრაფიკული მომსახურების გაწევის მინიმუმ 3 წლიანი გამოცდილების დამადასტურებელი დოკუმენტაცია, კერძოდ, შესაბამისი ხელშეკრულებების და მიღება–ჩაბარების აქტების ასლები;

2.5.2 პრეტენდენტმა უნდა წარმოადგინოს ფასთა ცხრილი სატენდერო დოკუმენტაციის დანართი №3–ით განსაზღვრული ფორმით;

2.5.3 პრეტენდენტმა უნდა წარმოადგინოს სატენდერო დოკუმენტაციის ტექნიკური დავალებით გათვალისწინებული პროექტის შესრულების დეტალური გეგმა;

2.5.4 ინფორმაცია პრეტენდენტის სამართლებრივ-ორგანიზაციული ფორმის, სახელწოდების, იურიდიული მისამართის, საბანკო რეკვიზიტების, საიდენტიფიკაციო კოდის, ხელმძღვანელობითი და წარმომადგენლობითი უფლებამოსილების მქონე პირების შესახებ, ასევე საკონტაქტო პირი და ტელეფონის ნომერი.

2.6. ხელშეკრულების შესრულების უზრუნველყოფის გარანტია

2.6.1 თუ ამ ტენდერში გამარჯვებული და ხელშეკრულების დადებაზე მოწვეული პრეტენდენტის სატენდერო წინადადების ღირებულება შეადგენს ან აღემატება 200000.00 (ორასიათასი) ლარს, იგი ვალდებულია ხელშეკრულების დადებამდე შემსყიდველის მიერ განსაზღვრულ ვადაში, წარმოადგინოს ხელშეკრულების შესრულების საბანკო გარანტია ხელშეკრულების ღირებულების 3 პროცენტის ოდენობით. თუ აღნიშნული პრეტენდენტის მიერ წარმოდგენილი სატენდერო წინადადების საბოლოო ღირებულება 20%-ზე მეტით ოდენობით ნაკლებია შესყიდვის სავარაუდო ღირებულებაზე, მან საბანკო გარანტია ნაცვლად ხელშეკრულების საერთო ღირებულების 3 პროცენტისა, უნდა წარმოადგინოს ხელშეკრულების საერთო ღირებულების 6 პროცენტის ოდენობით. საბანკო გარანტიის მოქმედების ვადა სულ მცირე ერთი თვით უნდა აღემატებოდეს შესყიდვის ობიექტის მიწოდების ვადას.

2.6.2 თეთრ სიაში დარეგისტრირებული მიმწოდებლის შემთხვევაში, 2.6.1 პუნქტში მითითებული,

წარმოსადგენი საბანკო გარანტიის ოდენობა ნახევრდება.

2.7 ფასწარმოქმნის ადეკვატურობის დადასტურება

იმ შემთხვევაში, თუ ტენდერში ყველაზე დაბალი ფასის სატენდერო წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის საგარეუდო ღირებულებაზე, შემსყიდველი ორგანიზაცია წარმოდგენილი ტექნიკური დოკუმენტაციის სატენდერო დოკუმენტაციასთან შესაბამისობის დადგენისთანავე, ტენდერისთვის სტატუსი „გამარჯვებული გამოვლენილია“-ს მინიჭებამდე, პრეტენდენტს განუსაზღვრავს 5 სამუშაო დღეს ისეთი დოკუმენტის წარმოსადგენად, რომელიც დადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შერულების შესაძლებლობას. შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.

2.8 საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა (მეწარმე სუბიექტმა) სატენდერო კომისიის მიერ დადგენილ ვადაში, მაგრამ მოთხოვნიდან არაუგვიანეს 5 სამუშაო დღეში, უნდა წარმოადგინოს:

2.8.1. ამონაწერი მეწარმეთა და არასამეწარმეო (არაკომერციული) პირების რეესტრიდან;

2.8.2. ცნობა/ინფორმაცია უფლებამოსილი ორგანოდან, რომლითაც დადასტურდება რომ პრეტენდენტის მიმართ არ მიმდინარეობს რეორგანიზაცია/ლიკვიდაცია/გადახდისუუნარობის პროცესი (**შენიშვნა: თუ ამ პუნქტით (2.8.2.) გათვალისწინებული ფაქტების დამადასტურებელ ინფორმაციას შეიცავს ამონაწერი მეწარმეთა და არასამეწარმეო რეესტრიდან, პრეტენდენტს არ მოეთხოვება, იგივე ფაქტების დასადასტურებლად დამატებით, რაიმე ცნობის წარმოდგენა**).

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

--- 2015 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თ სახით და ----- შემდგომში წოდებული „მიმწოდებლად“, წარმოდგენილი ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც უწევს მომსახურებას ამ ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული მომსახურება.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია 1380 კვ.კმ–ზე სატელიტური კოსმოსური სურათების გადაღებისა და მათი მეშვეობით ორთოფოტოგეგმების დამზადების მომსახურების (CPV – **71355100**) შესყიდვა.

2.2 გადაღების არეალი განისაზღვრება სატენდერო დოკუმენტაციის დანართი №1-ით, რომელიც მოიცავს ხობის, წალენჯიხის და გალის მუნიციპალიტეტების ტერიტორიების ნაწილს (1279კვ.კმ), რომელიც უნდა დაიფაროს 50 სმ–იანი პიქსელის ზომის სურათებით, და ქალაქ ზუგდიდის ტერიტორიას (101კვ.კმ), რომელიც უნდა დაიფაროს 30 სმ–იანი პიქსელის ზომის სურათებით.

3. ხელშეკრულების ღირებულება

3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილით და შეადგენს ----- (-----) **ლარს**,

3.2. ხელშეკრულების ღირებულება მოიცავს წინამდებარე ხელშეკრულებით მიმწოდებლისთვის დაკისრებული ყველა ვალდებულების შესრულებისთვის საჭირო ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს ჩათვლით.

4. მხარეთა ვალდებულებები

4.1. მიმწოდებელი ვალდებულია:

ა) უზრუნველყოს მომსახურების განხორციელება სატენდერო დოკუმენტაციის ტექნიკური დავალებით განსაზღვრული პირობების სრული და ზედნიშვნითი დაცვით.

ბ) მომსახურების განხორციელების შედეგად გადასცეს შემსყიდველს სატენდერო დოკუმენტაციის ტექნიკური დოკუმენტაციის 2.2.3 პუნქტით განსაზღვრული საბოლოო პროდუქცია სრულად, არაუგვიანეს 2015 წლის 30 სექტემბრისა.

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ მოახდინოს რეაგირება.

დ) შემსყიდველის წერილობითი თანხმობის გარეშე, არ გაამჟღავნოს, არ გადასცეს სხვა პირს, არ გამოიყენოს სხვა მიზნებით გარდა ხელშეკრულებით გათვალისწინებულისა, ნებისმიერი მონაცემი/ინფორმაცია, რომელიც მიმწოდებლისთვის ცნობილი ანდა ხელმისაწვდომი გახდა მომსახურების განხორციელებისას ან მისი გამხორციელების შედეგად; (მიმწოდებელი უზრუნველყოფს აღნიშნული ვალდებულების შესრულებას ქვეკონტაქტორის მხრიდანაც);

ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

5.1 მიმწოდებელი იძლევა გარანტიას რომ მის მიერ გაწეული მომსახურება დააკმაყოფილებს საერთაშორისო სტანდარტებით ამ სფეროში დადგენილ ყველა მოთხოვნას.

5.2 მომსახურების განხორციელების შედეგად, პროდუქციის ჩაბარების შემდგომ, მიმწოდებელმა 1 წლის განმავლობაში უნდა უზრუნველყოს აღმოჩენილი უზუსტობების შესწორება. საგარანტიო პერიოდის ათვლა შესაბამისი მიღება–ჩაბარების აქტის გაფორმების დღიდან.

6. ინსპექტირება

6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2 ინსპექტირებას განახორციელებს შემსყიდველი ორგანიზაციის გეოდეზიის და კარტოგრაფიის, სივრცითი ინფორმაციის და კადასტრის უზრუნველყოფის დეპარტამენტის გეოდეზიის და კარტოგრაფიის სამსახურის უფროსი (უფროსის მოვალეობის შემსრულებელი)

6.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4 შემსყიდველის შესაბამისი წარმომადგენელი უფლებამოსილია ჩაატაროს გადაცემული საბოლოო პროდუქციის ტექნიკური და ხარისხობრივი კონტროლი და თუ აღმოჩნდება წუნი ან ხარვეზი, მიმწოდებელი ვალდებულია შესაბამისი მოთხოვნიდან 10 სამუშაო დღეში საკუთარი ხარჯებით უზრუნველყოს ხარვეზების აღმოფხვრა, შემსყიდველის მხრიდან რაიმე დამატებით დანახარჯის გაწევის გარეშე.

7. მომსახურების მიღება-ჩაბარების წესი

შესყიდვის ობიექტი ჩაითვლება მიღებულად სატენდერო დოკუმენტაციის ტექნიკური დავალების 3.3 პუნქტით გათვალისწინებული ყველა საბოლოო პროდუქტის შემსყიდველისთვის ჩაბარების შემდეგ, რაც გაფორმდება მხარეთა მიერ შესაბამისი მიღება-ჩაბარების აქტით.

8. ანგარიშსწორება

8.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;
- გ) დაფინანსების წყარო – სსიპ საჯარო რეესტრის ეროვნული სააგენტოს საკუთარი შემოსავლები

8.2. ანგარიშსწორება განხორციელდება ტექნიკური დოკუმენტაციის 2.2.3 პუნქტით გათვალისწინებული საბოლოო პროდუქციის შემსყიდველისთვის სრულად გადაცემის შემდეგ, მხარეთა მიერ გაფორმებული მიღება-ჩაბარების აქტის საფუძველზე, მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენიდან 15 სამუშაო დღის განმავლობაში.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წაწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

10.2. თუ ერთი-ერთი მხარე არ ასრულებს ხელშეკრულების საგანთან დაკავშირებულ ვალდებულებას, მეორე მხარე წერილობითი ფორმით აფრთხილებს მას შეასრულოს ხელშეკრულებით ნაკისრი ვალდებულება. თუ მიუხედავად აფრთხილებისა მხარე კვლავ არ ასრულებს ან არსებითად არღვევს მის მიერ ნაკისრ ვალდებულებას, დაზარალებულ მხარეს უფლება აქვს ცალმხრივად შეწყვიტოს ხელშეკრულების მოქმედება.

10.3. წინამდებარე ხელშეკრულების 4.1 პუნქტის „ბ“ ქვეპუნქტით გათვალისწინებული ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0.3%-ის ოდენობით.

10.4 ხელშეკრულების 6.4 პუნქტით გათვალისწინებული ვადების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0.3%-ის ოდენობით.

10.5 წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების 0.3%-ის ოდენობით.

10.6 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის მასზე ხელმოწერის დღიდან და მოქმედებს 2016 წლის 31 იანვრის ჩათვლით.

15. ხელშეკრულების შესრულების უზრუნველყოფის გარანტია

15.1 ხელშეკრულების შესრულების უზრუნველსაყოფად, მიმწოდებლის მიერ წარმოდგენილი ხელშეკრულების ღირებულების —%-იანი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში.

15.2 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების —%-იანი საბანკო გარანტიის მოქმედების ვადა უნდა აღემატებოდეს ხელშეკრულების 4.1 პუნქტის „ბ“ ქვეპუნქტით განსაზღვრულ, შესასყიდი მომსახურების დასრულების ვადას 1 თვით მაინც.

16. ფორს-მაჟორი

16.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

16.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

ხელშეკრულება შედგენილია სამ, თანაბარი იურიდიული ძალის მქონე, ეგზემპლარად, ქართულ ენაზე; აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

18. მხარეთა რეკვიზიტები

სსიპ საჯარო რეესტრის ეროვნული სააგენტო,

წარმოდგენილი თავმჯდომარის მოადგილის

ალექსანდრე თევდორაძის სახით,

მისამართი: თბილისი, წმ.ნიკოლოზის/წ.ჩხეიძის №2

ტელეფონი: 291-05-17,

საბანკო რეკვიზიტები: ანგ: ხაზინის ერთიანი ანგარიში,

GE24NB0330100200165022

ბანკის კოდი: TRESGE22; სახაზინო კოდი: 707427078

ს/კ – 202238621

სსიპ საქართველოს იუსტიციის სასწავლო ცენტრი,

წარმოდგენილი ————— სახით,

მისამართი: —————

ტელეფონი: —————


საბანკო რეკვიზიტები:


ბანკის კოდი: —————

ა/ა: —————

ს/კ —————

საპროექტო არეალი





ფასთა ცხრილის ფორმა

№	დასახელება	განზომილების ერთეული	რაოდენობა	ერთეულის ღირებულება ლარი	საერთო ღირებულება ლარი
1	სტერეო (ფერადი) 50სმ ღრუბლიანობა: დასახლებულ პუნქტებში-0%; სხვა დანარჩენ ტერიტორიაზე-არაუმეტეს 4%	საპროექტო ტერიტორიის ფართობი (1კვ.კმ)	1279 კვ.კმ		
2	სტერეო (ფერადი) 30ს ღრუბლიანობა: დასახლებულ პუნქტებში-0%; სხვა დანარჩენ ტერიტორიაზე-არაუმეტეს 4%		101 კვ.კმ		
3	ორთორექთიფიკაცია სტერეო (ფერადი) 50სმ		1279 კვ.კმ		
4	ორთორექთიფიკაცია სტერეო (ფერადი) 30სმ		101 კვ.კმ		
	ჯამი				